



UNIVERSITÄTS-
BIBLIOTHEK
PADERBORN

**Judicium Ecclesiasticum Seu Decretalium Gregorij IX.
Pont. Max. Liber II.**

Schmalzgrueber, Franz

Ingolstadii, 1726

§. I. De Natura, & Qualitate Testium.

[urn:nbn:de:hbz:466:1-74990](#)

propositi cit. probatio mulieris plenior fuit, cùm præter Juramentum à se depositum al- sertionem suam firmarit testimonio septem matronarum, quarum judicio, cùm peritæ in arte fuerint, plurimum deferendum fuit. Ergo &c. Sed neque requiritur tantus numerus testimoniū matronarum; nam sufficit, si pro virginitate deponant duas, vel tres mulieres, modo fuerint honestæ, & artis peritæ, ac testimonium juratæ dicant, ut trudit Gloff. in can. nec aliqua 4. V. obstetricum caus. 27. q. 1. Henr. Canis. in c. propositi cit. n. 7. & 9. Barbos. ibid. n. 7. cum alijs. 66 Neque obstat ratio dubitandi allata; nam ea Jura intelligenda sunt, quando con-

tra viri Juramentum proponitur depositio jurata uxoris tantum, non vero, quando huic suffragantur etiam alia testimonia; tunc enim plenior, ut dixi, est uxoris probatio, & cons. preferenda Juramento mariti. Ad Conf. eti fallax sit inspectio obstetricum, tamen juncta tam harum, quam ipsius mulieris Juramento parit fidem pleniorē, quam Juramentum solius mariti, affirmantis se mulierem cognovisse: unde illi potius, quam huic deferendum est, ita tamen, ut admittatur probatio in contrarium, quod fieri potest per inspectionem ab alijs mulieribus æquè peritis faciendam.

TITULUS XX.

De Testibus, & Attestationibus.

Post tractationem de Probationibus in genere descendendum ad harum Species. Inter istas prima, & usitatisima occurrit, qua defumitur ex Testimoniō, & depositione Testium,

cumque viva istorum voce fiat, præ alijs excellentiorem, & efficaciorē probandi modum continet. Hinc ante alias Probationum species hic de Testibus, & Attestationibus agitur.

§. I.

De Natura, & Qualitate Testium.

SUMMARIUM.

1. *Definitio, & Varietas Testium.*
2. *Admittuntur Testes omnes, qui Jure non prohibentur.*
3. 4. *Jure naturali prohibentur furiosi, infantes &c.*
5. 6. *Jure positivo removentur primò impuberes.*
7. 8. *Secundò cæci, surdi, & muti cum limitatione.*
9. 10. 11. *Terzio Servi propriè dicti.*
12. 13. *Quartò corrupti pecunia pro dicendo Testimonio.*
14. *Qui etiam datorum non acquirunt dominium.*
15. *Nisi pro expensis itineris &c. data sint.*
16. *Sexto infames.*
17. *Cum exceptione.*
18. 19. *Septimo criminis.*
20. *Castis excepti.*
21. 22. 23. *Octavo Accusati, & incarcernati ob crimen grave, & infamiam irrogans.*
24. 25. *Nonò perjuri.*
26. *Decimò Excommunicati.*
27. *Testimonium tamen ipsorum valet.*
28. *Undecimò Personæ viles.*

Queritur 1. quidnam sint Testes, & quid eorum Attestationes? sunt Personæ, que de re, aut factu aliquo dubio & controverso legitime evocate testimonium dicunt; vel generalius: qua ad fidem alicujus rei faciendam adhibentur. Attestationes vero sunt ipsorum testimoniū depositiones, seu asseverationes super factū aliquo. Testium alii sunt Judiciales, qui in Judicio; alii Instrumentarij, qui in instrumento; alii Testamentarij, qui in Testamento adhibentur. In hoc Titulo potissimum agitur de Testibus Judicialibus. De his c. placuit 1. b. tit. decernitur, ut sint idonei, fideles, & jejunia.

Dicitur 1. *Idonei*, i. e. qui non prohibentur testificari. Et hi non unius sunt

generis; nam aliqui ex his dicuntur omni exceptione majores, qui videlicet nulla legitima exceptione à Testimoniō deponendo repelliri possint; alii minorem fidem merentur, quia tamen eorum defectus alijs administris suppleri potest, in certis casibus etiam ipsi permittuntur testificari.

Dicitur 2. *Fideles*: qua voce quidam Interpretes putant excludi Infideles, Judæos, Hereticos &c. sed melius apud Gonzal. in c. placuit cit. n. 2. & alios idem sonat, quod Fide digni. Consonat huic Interpretationi expofito Gratiani, qui ubi in Decretalibus l. cit. habetur *Fideles*, ipse can. placuit 2. cauf. 4. q. 3. in suo Decreto posuit *Fideliores*.

Dicitur 3. *Jejuni*: hoc autem solū est de honestate, & decentia ob reverentiam

Mm

tiam

tiam Juramenti , fine quo Testimonium non deponitur ; non autem de necessitate, vel praecepto , ut notat Gloss. fin. in c. placuit cit. Decius ibidem n. 7. & 8. Vivian. in Ration. v. nullus , Henr. Canis. n. 11. Laym. n. 6. Gonzal. n. 3. Wagereck v. nisi jejunus , Pirh. hic n. 3. Quodsi olim praeceptum fuit , ut testes non nisi jejuni testimonium dicerent , id vel in particularibus tantum locis , ubi talis consuetudo vigebat , obligavit , vel per desuetudinem jam abrogatum est , ut bene advertit Barbos. in c. placuit cit. n. 4.

2 Porro non prohibiti testificari censent omnes , de quibus contrarium non probatur ; quia Edictum de testibus prohibitorum est. Abb. in c. 1. cit. n. 1. Lanfranc. de Testib. n. 55. Farin. prax. crim. q. 53. n. 1. & alij apud istos : cons. ad testificandum habiles generaliter denotantur omnes , qui specialiter non prohibentur. Neque opus est , ut quis idoneum esse proberet , sed si in testem producatur , admitti debet , donec probetur , quod caret aliqua qualitate , quæ vel Jure naturali , vel positivo in Teste requiritur.

Jure naturali , ut quis testis esse possit , plus non requiritur , quam ut sit capax rationis. Ea , quæ Jure positivo in Testibus requiruntur , Gloss. in c. in nomine 2. V. vilissimi b. tit. comprehendit his verbis :

Conditio , sexus , aetas , discretio , fama , Et fortuna , fides , in testibus ista requires.

Ex horum requisitorum defectu Testimonium ferre prohibentur aliqui *absolutè* , alij solum *secundum quid*. Qui *secundum quid* prohibentur , multiplicis generis sunt ; nam aliqui ex ijs prohibentur testimonium ferre pro certis personis , alij contra certas personas , nonnulli in certis causis. Hinc multiplex oritur dubium ; nam ante omnia

3 Quæritur 2. quinam Jure naturali arcentur à munere testificandi ? r. hoc Jure à testificandi munere arcentur *Furiosi* ; quia mente i. e. ratione carent §. item *furiosi Inst. quib. non est permis. testim. fac. l. in negotiis 5. ff. de R. J.* Excipitur , si lucida intervalla habeant ; talis enim de ijs , qua vidit , vel audivit &c. tempore lucidi intervalli , testificari tempore lucidi intervalli potest arg. l. *furiosum 9. C. qui testim. facer. poss.*

Dixi , *Testificari tempore lucidi intervalli potest* ; non enim sufficit , quod videbit ea ante furorem , sed etiam , & multo magis requiritur , ut tempore , quo testificatur , sit capax rationis. Et ratio est , quia spectatur tempus depositionis , quo tempore , cum Judicio careant furiosi , quidquid dicunt , prorsus ignorant. Macard. de probat. vol. 2. concl. 829. n. 7. Farin. prax. crim. q. 61. n. 1. & seqq. Pirh. hic n. 5. Wiest. n. 3.

Sed neque satis est , si ad se furiosus redierit ; nam licet sui sit compos factus , ad-

huc tamen deponere non potest de ijs , quæ tempore furoris contigerunt , sed requiritur , ut utroque tempore fuerit sui compos , ut bene advertit Farin. l. cit. n. 14. Haun. tom. 5. de J. & J. tr. 4. n. 264. Pirh. l. cit. cum alijs. *Neque obstat* , quod , ut infra dicam , pubes factus testificari possit de eo , quod vidit in pupillari ætate ; nam hic non caret usu rationis , & habet integerrimos sensus , memoriam vivacissimam ; non ita qui furore , aut amentia agitur , quippe cùm hujus generis homines habeant phantasiam adēd corruptam , ut putent se corā intueri , qua nūspiam fiunt in rerum natura. Itaque ad judicem spectabit , ut ex qualitate , & effectibus furoris arbitretur , quantum fiduci possit adhiberi hujusmodi testi : si omnibus consideratis , dubium sit , teste Farin. l. cit. n. 15. presumere potest datum tempore sanæ mentis.

Quod de furioso dictum , extenditur ad mente captos , infantes , ebrios , & alios usu rationis destitutos , ob rationis paritatem. Duxi *Ebrios* , intellige , penitus ebrios ; nam quamvis Judex curare debeat , ut testes sint sobrij , nec semiebrij , hi tamen absolutè à testimonio dicendo non repelluntur ; quia Jure naturali , ut num. præc. dictum est , plus non requiritur , quam ut sit capax rationis.

Quæritur 3. quinam simpliciter prohibeantur testes esse in Judicio ? ^{n. 5} horum esse quatuor genera ex quatuor diversis capitibus.

Et 1. quidem est *Defectus Aetatis* : ob quem generaliter , & absolutè in quibuscunque causis tam Civilibus , quam Criminalibus ad testimonium dicendum inhabiles sunt impuberis , prout habetur can. §. testes 3. §. Lege Julia cauf. 4. q. 3. l. testim. 3. §. Lege Julia 5. ff. b. tit. l. invit. 19. in fin. ff. eod. & notat ibiam Gloss. V. sed nec pupillis , Hiltrop. process. Judic. p. 3. tit. 9. c. 2. n. 3. Wefenbec. ff. b. tit. n. 3. Henr. Canis. in c. 2. tit. cod. n. 14. Wagner. ibid. V. vilissimi , Vallensi. §. 2. n. 1. Zœf. n. 7. Pirh. n. 4. & 5. Engl. n. 13. König n. 3. Wiest. n. 3. Ratio est , quia impuberis non videtur illius esse maturitatis , ut sufficienter judicet de gravitate perjurij , & ob animi levitatem facile corrumperetur.

Excipitur tamen 1. crimen læse Majestatis , in quo ad testificandum admittuntur etiam minores 14. annis ; quia ibi nemo eximitur l. nemo 4. fin. C. ad L. Jul. Majest. Accedit , quia in eo crimen minor 14. annis etiam torqueri potest l. de minore 10. §. sed omnes 1. ff. de quest. sed minus est testificari. Igitur etiam admittetur illius testimonium.

Excipitur 2. si consuetudo sic habeat : sic passim invaluit , ut impuberis in causis criminalibus examinantur , & nihil frequenter est , quam homicidia , & hujusmodi delicta per pueros detegi. Ubi tamen adverto , depositionem impuberis , nisi alijs admicu-

niculis, & præsumptionib[us] adjuvetur, non facere semipleram probationem, sed tantum indicium ad indagandam veritatem, & ex dicto impuberis tantum neminem torqueri posse, ut benè notat Gloss. V. sed nec pupilli cit. Farin. prax. crim. q. 58. n. 44. & seqq. Pirk. hic n. 4. & alij communiter.

Excipitur 3. si impuberis facti sint puberes; tum enim admitti ad testificandum possunt de ijs, quæ viderunt in pupillari ætate, modò ea, super quibus recipitur eorum testimonium, sint ejus naturæ, ut cadant sub sensu, & intellectu impuberis, & facta sint tempore, quo jam erat pubertati proximus. Farin. q. 58. cit. n. 58. Hiltrop. c. 2. cit. n. 23. Henr. Canif. in c. 2. b. tit. n. 15. Vallenf. §. 2. n. 2. Pirk. n. 4. cit. Ratio est, quia non prohibentur. Ergo admittuntur. Intelligi autem istud debet solum in ijs rebus, in quibus testes puberes requiruntur à Jure solum ad probationem aetatis; nam si requiruntur ad solennitatem, & substantiam, sicut in Testamento solenni, im- puberum testimonium, et si deinde facti sint puberes, non recipitur, ut benè monet König hic n. 4. & constat ex §. testes 6. Instit. de testim. ordin.

2 Vitium Corporis: Ob hoc à Testimoniis ferendo regulariter arcen- tur cæci, surdi, & muti. Farin. prax. crim. q. 61. oppos. 10. & 11. Hiltrop. tit. 9. c. 2. n. 3. Wefenb. ff. b. tit. n. 3. Haun. tom. 5. Ide J. & J. tr. 4. n. 267. & 268. Pirk. hic n. 6. & 7. König n. 5. Sannig c. 2. n. 4. Ratio de Cæcis est, quia solus auditus in testibus regulariter non sufficit, sed praesentia & visus requiruntur can. testes 15. caus. 3. q. 9. c. cum causam 37. b. tit. l. testim. 18. C. eod. sed qui non vident, praesentes non dicuntur l. coram Titio 209. ff. de V. S. l. quanquam 1. in fin. & ibi Bartol. ff. de author. & consens. tutor. ergo, qui non vident, testes esse non possunt. De Surdis, & mutis ratio est, tum quia animi sui sensa satis exprimere non possunt, tum quia testes via voce deponere, ejusque dicta à Judice audiiri per se debent.

8 Dixi autem regulariter; nam 1. certum est, quod cæci testari possint de ijs, quæ viderunt, antequam oculis caperentur. Mascard. de probat. concl. 278. n. 9. Farin. q. 61. cit. n. 32. Vall. hic §. 2. n. 5. Haun. n. 267. cit. Pirk. n. 6. Ratio est, quia plerumque cæci melius meminerunt præteritarum rerum, quam qui identidem visum circa alia occupant, & prioribus speciebus memorativis innumeris alias superinducunt. **2.** Pariter cæci testificari potest de ijs, quæ audijt tempore cacitatis; sed ibi Judex diligenter exploraret, an non deceptus sit cæci testimonium deponens, cum non sit difficile vocem alienam imitari. Mascard. n. 15. & 16. Farin. n. 27. & seqq. **3.** In surdo, & muto distinguendum est: Vel enim aliquis est surdus & mutus simul, vel tantum surdus, aut

tantum mutus. **Si tantum surdus,** testimonium dicere de illis potest, quæ visu percipit, modò ex scriptura cognoscat, quid Judex interroget. **Si mutus tantum,** testis esse de visu, & auditu potest, modò sciat scribere, aut alijs certis, & indubitate signis, seu nutibus cogitationes suas explicare arg. I. servo 65. S. si papillo 3. ff. ad S. C. Trebell. ibi: interrogati mutu possint significare. Farin. n. 46. Haun. n. 268. & alij supra cit. Idem dicendum de surdo, & muto simul. Neque obstat, quod alijs in scriptis, nec per nutus, sed viva voce testes deponere debeant; nam hoc solum probat hos testes non interrogandos, quando veritas aliter haberi potest.

3. Defectus Statu[rum]: Ob hunc à Testimoniis dicendo prohibentur Servi propriè dicti, quamdui servi sunt, & ut tales habentur, si alijs probationes suppetant. Henr. Canif. in c. 2. b. tit. n. 8. & in summ. cod. §. 3. Vallenf. hic §. 2. n. 4. Wagner. in c. 2. cit. V. vilissimi. Zool. n. 7. Pirk. n. 8. Haun. n. 269. Engl. n. 10. König n. 6. Wiest. n. 4. & constat ex c. forus 10. de V. S. l. servi 7. ff. & l. quoniam liberi 11. C. b. tit. Ratio est, quia Servi de Jure Civili censentur mortui, ac proinde ab omnibus officijs, & honoribus removentur l. quod attinet 32. & l. servitutem 200. ff. de R. J. Hinc testimonium Servi ipso Jure nullum est, porosique parte etiam non opponetur. Judicis officio repellit, ut recte monet Farin. q. 55. n. 166. Accedit, quia, ut c. forus cit. dicitur. Sopè servus metu dominantis testimonium suppressit veritatis, ut adeo non sine ratione Jus testimonium servi rejiciat.

Dixi 1. Servi propriè dicti; nam Coloni Originarij, & Adscriptorij, de quibus mentione fit c. multorum 2. de Judeis, & l. definimus 13. C. de agricola. & censit. Item proprii homines, vulgo die Leibsigne / eti[us] cum Servis quandam similitudinem gerere videantur, re ipsa tamen servi non sunt, sed liberi homines, id est à legitimis actibus, & consl. etiam à testimonio ferendo non repelluntur. Gloss. in c. 2. cit. V. snt liberi. Laym. l. 5. Theol. mor. tr. 10. p. 4. c. 2. n. 5. Pirk. hic n. 8. Multo minus Constitutio excludens Servos extendenda est ad Religiosos; nam eti[us] alijs isti in multis æquiparentur Servis, in hoc tamen non æquiparentur: poterunt igitur cum licentia, & consensu sui Superioris testimonium dicere, ut clarè habetur c. veritatis 8. de dol. & contumac. c. tuis 39. c. cum nuper 51. b. tit. & notat. Abb. in c. 12. eod. n. 4. Mascard. concl. 260. n. 13. Farin. q. 61. n. 124. Pirk. hic n. 9. Engl. n. 11. König n. 6. Wiest. n. 4. Ratio est, quia, ut supra 2. dixi, testimonium dicere est Juris prohibitorij, & omnibus, quæ rationis sunt compotes, Jure naturali concessum, quibus non est specialiter Jure prohibitum. Nullus autem textus est in Jure, in quo id Religiosis reperiatur prohibitum. Ergo &c. Neque obstat, quod Religiosi à nego-

negotij forensibus expresè removeantur
c. ex parte 2. de postuland. nam in hoc textu
ferè solum est sermo , ne agant Procuratores,
& Advocatos, nisi id exposcat Monasterij u-
tilitas, & Superiores permittrant.

11 Dixi 2. quamdiu Servi sunt , & haben-
tur ut tales ; nam Servus liber factus depone-
re potest non tantum super ijs , quæ vidit ,
vel audivit , postquam liber factus est , sed
etiam super ijs , quæ vidit in servitu , ut
supra dixi de impubere n. 6. Ratio est ,
quia non prohibetur amplius , remota servi-
tute. Similiter valet testimonium Servi ,
si communiter habeatur pro libero. Farin. q.
55. n. 169.

Dixi 3. Si alie probationes suppetant ;
nam in defectu aliarum probationum etiam
Servi admittuntur ad testificandum : sed eo
casu Servi depositio vocatur à Jure non Testi-
monium , sed Responsum in contemptum con-
ditionis Servilis , ut indicatur l. servi 7. ff. b. tit.
Similiter admittuntur Servi ad testimonium
dicendum in criminibus exceptis ; nam in his ,
ut infra dicam , admittuntur testes alias in-
habiles ad testificandum. Farin. q. 55. cit. n.

12 4. Fides, aut Vita reprobata. Sed hi ,
qui ex isto capite à Testimonio dicendo ar-
centur , multiplicis iterum generis sunt.
Hinc ulterius.

Quæritur 4. quinam ob fidem , aut
vitam reprobata repellantur à Testimonio
dicendo in Judicio ? **q. 1.** ex hoc capite
prohibentur testificari , qui pecunia corrupti ,
vel conducti sunt pro dicendo Testimonio. Myn-
sing. cent. 6. obj. 67. Farin. q. 67. n. 236. &
seqq. Wesenbec. ff. b. tit. n. 3. Vivian. in c.
placuit 1. v. pretio hic , Henr. Canis. ibid. n. 3.
Gonzal. n. 4. Barbof. n. 1. Zoes. n. 43. Pirh.
n. 10. König n. 8. & constat ex c. placuit cit.
l. testim. 3. §. Lege Julia 5. ff. eod. Ratio est ,
quia per corruptionem violatur integritas , & veritas , quæ in Judicio necessaria est , siquidem testis , qui pretium accepit
pro testimonio dicendo , non tam liber te-
stificatur , nec præsumitur dicere veritatem ,
eo quod munera excæcant prudentes , & sub-
vertunt verba iustorum , ne veritatem intel-
ligant. **Deut. 16. v. 19.** Accedit , quod
hujusmodi Testes , qui pretium pro dicen-
do testimonio sive vero , sive falso recipiunt ,
perjuri fiant , cum antè juraverint , quod nec
pretio , nec timore , nec odio , aut pro aliquo
commode testimonium dicant , ut habetur in
forma Juramenti testis , & notat Gloss. in c.
17. V. juramentis b. tit.

13 Et hoc adeò verum est , ut si quis prob-
atus fuerit pro testimonio dicendo pecu-
niā accepisse , testimonium ejusdem non
valeat , sed vel à parte adversa , vel officio Ju-
dicis rejici posse , tanquam valde suspectum
de falsitate : imò ejusmodi conducti testes ,
tanquam valde suspecti , super falsi crimine
torqueri possunt , quamvis non constet de-

falsa depositione. Ubi tamen notandum
diferimē est inter testem deponentem fal-
sum , & testem pecuniā corruptum ; nam te-
stis deponens falsum tenetur Lege Cornelie
de falsis , testis autem pecuniā corruptus ,
nisi convincatur de falsa depositione , ea Le-
ge , & poenā per illam sanctitā non afficitur ;
quia hac solum puniunt , qui mendacium dixit ,
& veritatem in Judicio occultavit , ut habetur
c. falsidicus 1. de crim. fals. & alijs cit. adver-
tit Laym. in c. 1. b. t. n. 2. Hinc si persistat
in tortura , & nihil fateatur , non ordinariā
poenā falsi , sed arbitrariā à Judice puniri debet ,
quod contra Jus pro ferendo testimonio pe-
cuniā acceperit.

An autem istam accipiens acquirat 14
ejus dominium , dubium moveri potest. Et
videtur universaliter tenenda affirmativa ;
nam etiam Advocatus potest accipere pecu-
niā , seu pretium ab illo , cuius causam
defendit. Sed distinguendum est , an pecu-
niā acceperit pro vero , an pro falso
testimoniō. **Si hoc secundum** , quamvis
ita paciscendo , & falso dicendo gravissime
peccet , pecuniā tamen pro falso testi-
monio accepta fit dominus , eo modo , quo
quisvis alius datorum ob turpem causam. **Si**
primum , eam danti restituere debet ; quia
ad testimonium verum dicendum quilibet
civis ex Justitia , & ipso gentium Jure obstri-
ctus est , si magistratus legitimè interroget ,
& testimonium proferre jubeat. Atqui ,
quod ex Justitia debitum est , non potest
pretio vendi. Ergo &c. **Neque obstat** ratio
dubitandi allata in contrarium ; nam Advocati
patrocinium continet hominis ministerium ,
quod est pretio estimabile , cum sit actus
scientiæ acquisita , quem non tenetur omni-
bus ex Justitia impendere : at testem in testifi-
cando verum dicere necessarium est , & ad
hoc ex Justitia obligatur.

Intelligendum autem hoc est de casu , 15
quo aliquid testis accipit pro Testimonio dicendo ; fecis enim , si accipiat aliquid pro
expensis factis in itinere , item pro lucro ,
quod ipsi cessat , dum à labore , & operis suis
impeditur interea ; nam hæc Jure petuntur , &
præstari debent , & quidem sumptus itineris
statim , ut testes habeant , quo iter ingressi
alantur , quod indicatur l. quiniam 11. C. b. tit.
& apertius declaratur l. eos qui 6. §. si quis 2.
de Appell. & consult. ubi dicitur testibus voca-
tis sumptus præstari itineris faciendo causā .
Et fundatur exceptio hæc in Jure naturali ;
nam officium suum nemini debet esse dan-
nosum , & proprijs stipendijs nemo mili-
tare tenetur. Accedit , quia Jura solum
irritum , & nullum declarant Testimonium ,
quod deponitur ab eo , qui ad hoc ferendum
conductus est pretio. Atqui is , qui sumptus
necessarius pro itinere accepit , per hoc non
accipit pretium pro testimonio , sed refarcio-
nen damni , quod in gratiam alterius patitur.
Ergo &c. **Ob eandem rationem in foro**

con-

conscientia tutus est, neque tenetur restituere, cui is, in cujus gratiam testimonium fertur, donandi animo aliquid dedit. In foro externo tamen turpis censetur, & poena obnoxia; quia presumptio contra ipsum militat, nisi ostendat dationem, & promissionem sibi factam esse, postquam jam depositum testimonium: tunc enim, cum nullum subfit periculum, non punitur, neque censetur corruptus. Menoch, *de arbitr. cas. 310. n. 11.* Farin. *q. 67. n. 277.*

16 **2. Infames.** Proceditur hoc tam de infamibus infamia Juris, quam de infamibus infamia facti: inter quos tamen triplex intercedit discrimen. **1.** Infames infamia Juris de utroque Jure repelluntur a Testimonia dicendo *can. nulli 11. caus. 3. q. 4.c. licet 47. & c. testimonium 54. b. tit. l. testimonium 3. S. Lege Julia 5. ff. eod.* Infames autem infamia facti de Jure Canonico quidem absoluta *can. statutinus 9. caus. 3. q. 5. & can. infames 17. caus. 6. q. 1.* de Jure Civili autem solum in causis criminalibus, & civilibus arduis. Felin. *in c. testimonium cit. n. 12.* Farin. *q. 56. n. 107. & 115.* Pirk. *bic n. 18.* **2.** Infamis infamia facti tantum, si emendatus sit, admittitur ad testificandum saltem in causa Civili; infamis infamia Juris etiam emendatus per poenitentiam, quandiu haec infamia non tollitur per dispensationem Principis, cuius autoritate irrogata est, inhabilis manet. Ratio est, quia ut bene notat Pirk. *n. 22.* infamia Juris habet rationem poena sententialis, quae a Magistratu legitimo in perpetuum illata est. Ergo tolli non potest, nisi ab eodem Magistratu, cum ejusdem sit ligare, & solvere, poenam imponere, & relaxare: e contrario infamia facti oritur ex solo crimen, aut vita criminosa. Ergo ea deposita, vel emendata, etiam ipsa cessare debet. **3.** Testimonium depositum ab infami infamia Juris ipso Jure nullum est; infames infamia facti tantum a Judice ex officio, vel parte adversa per exceptionem repellantur, necesse est; alias testimonium illorum valebit, quamvis non faciant fidem plenam, quod non sint testes omni exceptione maiores. Et hinc sequitur, quod testes infames infamia Juris etiam in confortio cum alijs testibus fide dignis nihil probent; testis autem infamis infamia facti licet seorsim fidem ne quidem semiplenam faciat, in causis tamen, qua non requirunt meros testes integros, una cum alio teste omni exceptione majore possit facere plenam fidem, ut bene notat Haun. *tom. 5. tr. 4. n. 256.*

17 **Excipiuntur,** tamen complures Casus, in quibus etiam infamia Juris infames admittuntur ad testificandum. Et hoc **1.** fit in crimibus enormibus, & exceptis, ut læse majestatis, heresis, Simonia &c. Farin. *q. 56. cit. n. 70.* Gonzal. *in c. 54. b. tit. n. 10.* Haun. *l. cit. n. 254.* Pirk. *bic n. 17.* **2.** Si veritas aliter haberi, vel per alios testes cognosci ne-

queat; tunc enim testimonium illorum recipitur, sed non sine tortura, nisi deponant contra valde diffamatum. Farin. *n. 50. & seqq.* Haun. *n. 253.* cum reliquis supra. **3.** Si infamia sit occulta; quia ad hoc, ut repellatur, non solum requiritur, ut sit infamis, sed etiam ut pro tali tempore depositionis sit habitus, & reputatus. Farin. *n. 86.* **4.** Si restitutus sit fama a Papa, vel Principe, arg. *l. testimonium cit. §. lege Julia*, ibi: *Qui eorum in integrum restitutus non erit.* Igitur a contrario sensu restitutus ad testimonium admitti debet. Gloff. *ibid. V. eorum*, Farin. *n. 79. & seqq.* Gonz. *l. cit. n. 16.* Pirk. *n. 17. cit.* In his casibus quantum fidei depositionibus illorum haberi debeat, arbitrium penes Judicem est. Plerumque, cum actu infames admittuntur, testimonia ipsorum non sunt integræ fidei, nec omni exceptione majora: estque hoc verum etiam accidente tortura; quia haec infamiam non purgat quod ad effectum plenæ probationis, sed tantum quoad indicium. Farin. *n. 77. fn.*

3. Criminosus, cui grave crimen ab **18** adversa parte objicitur, & probatur in Judicio. Proceditur hoc de Jure Canonico tam in causa Civili, quam in criminali, et si antea de eo nec convictus, nec confessus, vel condemnatus sit, atque tamdiu, quandiu in crimen perseverat. Ita Gloff. *in c. super eo 13. V. confessi h. t. Abb. ibid. n. 3.* Felin. *n. 3.* Gonz. *in c. testimonium 54. cod. n. 6.* Farin. *q. 56. cit. n. 128.* Haun. *tr. 4. cit. n. 246.* Pirk. *bic n. 19.* & patet ex *can. statutinus 9. caus. 3. q. 5. c. super eo 12. & c. testimonium 54. cit.* Ratio est, quia non est credendum contra alios illis, qui criminiibus implicantur, ut dicitur *can. neganda 1. caus. 3. q. 11.* Neque obstat, quod ejusmodi criminosus, et si persistat in crimen, modò tale non sit, ut infamiam Juris irroget, repelliri nequeat a munere judicandi, vel eligendi; nam Judici, & electori jus judicandi, & eligendi, plene est acquisitum, quo privari non debent, nisi causâ plene cognitâ, per depositionem, aut privationem Judicis, vel Superioris. Deinde maior periculum est in teste, quam in Judice; nam a Judice appellari potest, non vero a teste, & hinc potius testis ob crimen, quam Judex repellitur. Denique elector prosequitur jus suum, & exequendo officium hoc nulli prajudicat; plurimum autem prajudicatur per testem parti, contra quam testificatur.

Dixi autem **1.** cui grave crimen ob **19** iicitur, i.e. accusatione, & damnatione dignissimum, qualia sunt homicidium, adulterium, incestus, furium, sacrilegium, & alia, que reconsentur *can. statutinus cit.* non igitur sufficit quodvis crimen. Dixi **2.** quandiu in crimen perseverat; nam si emendatus sit, & crimen Juris infamiam annexam non habeat, admitti debet in causa civili, & criminali saltem civiliter intentata *c. testimonium cit.* Por-

ro emendatio, cùm sit mutatio vitæ, non præsumitur, sed probari debet, si videlicet ostendatur non exiguo, sed triennali saltem tempore laudabilem vitam egisse, ut rectè adverturn Farin. q. 56. cit. n. 140. Laym. in c. super eo cit. n. 2. Gonzal. in c. testimonium cit. n. 9. Pirk. hic n. 22. Dixi 3. de Jure Canonico; nam de Jure Cæsareo criminofus non repellitur à ferendo testimonio in causa civili, nisi ratione criminis contraxerit infamiam, vel quia haec illi ipso Jure annexa est, vel quia ob crimen in Judicio est condemnatus l. testimoniū 3. S. Lege Julia s. ff. h. tit. Hinc si causa agatur Ecclesiastica, vel Civilis quidem, sed in terris pleno Jure subjectis Ecclesiæ, observabitur Jus Canonicum, & universum testis criminofus non emendatus repelletur à testificando; in Causa civili autem, si de hac agatur in terris Imperij, iuxta Jura Cæsarea admittetur testis criminofus non ipso Jure, vel per sententiam infamis factus.

20. Sunt autem plures causas, in quibus criminofus, etiam non emendatus, ad testificandum admittitur. Et 1. quidem, si pars citata ad videndum testes, sciensque illorum criminis nihil opponat; nam tunc in earum personas tacitè consentire, easque approbare censetur. Pirk. hic n. 25. Potest tamen eo casu Judge, & debet ex officio ejusmodi testem repellere, ut notat Felin. in c. testimonium cit. n. 5. 2. In Causis Summarijs; nam in his, quia levem solum aliquam, nec exactè semiplenam probationem requirunt, testimoniū repulsiō partibus non conceditur, ut ex communi docet Farin. prax. crim. q. 62. n. 196. Menoch. de arbitr. q. 32. n. 11. Laym. in c. 13. cit. n. 4. Pirk. n. 25. 3. Si vocetur ad probandam innocentiam Rei; nam ad hanc ostendendam admittendi sunt testes alias inhabiles, qui absolute non repelluntur, sed solum ob defectum fidei repelliri possunt. Mafcard. de probat. concl. 1366. n. 16. Farin. q. 56. n. 137. Laym. l. cit. n. 5. Pirk. n. 25. 4. Si alii testes haberi nequeant; tunc enim omnes hujusmodi criminofus admittuntur ad testimonium, ita famen, ut non plena, sed qualequam solum probationem faciant. Farin. l. cit. n. 161. Hinc Judicis officium erit inspicere, quanta fides in his causis hujusmodi testibus sit habenda.

21. 4. Accusatus de crimen gravi, & infamiam irrogante (idem dic de incarceratedo propter ejusmodi crimen) nam hic, dum pendet accusatio, de Jure Canonico non debet admitti ad testificandum in alia causa criminali, præterquam in criminibus exceptis, ut constat ex c. non debet 56. b. t. & docet ibidem Vivian. in Ration. Barbos. n. 1. & 2. Mafcard. concl. 27. n. 1. & seqq. Farin. q. 56. n. 167. Pirk. hic n. 27. Ratio est, quia, dum accusatio pendet, & innocentia ostensa non est, censetur gravata existimatio accusati de crimen, ideoque in causis criminalibus,

in quibus testes debent esse sine omni exceptione, & nota infamia, testimonium ejus non admittitur.

Extenditur hoc 1. etiam ad eum, contra quem fit inquisitio in tali crimen ex officio Judicis. Pirk. n. 28. Ratio est, quia inquisitionem procedere debet infamia criminis. Infamia autem in causa criminali testes idonei esse non possunt, ut ostensum est n. 16. Extenditur 2. si quis denuntiatus fuerit de tali crimen; quia per denuntiationem dubia redditur integritas, & gravatur existimatio denuntiati. Abb. in c. 56. b. t. n. 6. Extenditur 3. ad condemnatum de crimen, appellantem à sententia; nam pendente appellatione, non admittitur ad testificandum in causa criminali. Pirk. n. 28. in fin. Ratio est, quia licet, dum pendet appellatio, status ejusdem maneat integer, & properea admitti ad testificandum debeat in causa Civili, tamen ob accusationem, & sententiam primæ instantiae gravatur aliquo modo ejusdem existimatio, ut repelli possit in causa criminali.

Dixi autem 1. in causa criminali; nam in causa civili accusatus de crimen, non tamen incarcерatur, admittitur, ita tamen, ut non sit testis omni exceptione major: & hinc in ijs causis Civilibus, in quibus requiruntur testes integerimi, testimonium ipsorum non recipitur. Excipitur autem incarcерatus, ut nec in Civili causa admittatur in testem, ob suspicionem, quod hujusmodi homines falsum deponere credantur, ut se liberent à reatu, mutuò praestita depositione ab ilis, pro quibus testimonium dicunt. Dixi 2. de Jure Canonico; nam in foro Civili accusatus potest esse idoneus testis non minor, quam si fuisset non accusatus, ut notat Haun. tom. 5. tr. 4. n. 250. Ratio est, quia Jura requirunt condemnationem, quæ transiit in rem judicatam.

Dixi 3. præterquam in criminibus exceptis: nam in his admittitur; quia in illis ob atrocitatem criminis multa permittuntur, quæ alias denegantur. Neque obstat c. per tuas 32. de Simon. ubi etiam in crimen Simonie, quod unum est inter excepta, distinguitur, an testis sit bona fama, an malæ, & cons. innuitur, si malæ sit, etiam ibi non admittendum; nam id procedit, quando constat de crimen contra testes, hic verò sermo est, quando testis tantum est accusatus de crimen.

5. Perjurii; nam hi, licet emendati sint, & de perjurio penitentia egerint, & à testificando in omni causa repelluntur. Ita habetur c. testimonium 54. b. t. & docet ibidem Vivian. in Ration. Hiltrop. p. 3. tit. 9. c. 2. n. 5. Henr. Canil. in c. 2. b. t. n. 21. Laym. in c. 7. eod. n. 8. & in c. 54. cit. n. 7. Gonzal. ibid. n. 4. Barbos. n. 2. & 4. Haun. tr. 4. cit. n. 260. Pirk. hic n. 62. König n. 10. Sannig c. 2. n. 11. Wiest. n. 9. Et hoc adeò verum est, ut perjurii defectus in causa criminali ne quidem per torturam purgetur; nam ne torti qui-

quidem depositione sua indicium faciunt. Farin. q. 56. n. 193. Extenditur, ut neque in criminibus exceptis, ubi alias testes inhabiles admittuntur, aliquid depositio perjurii probet. Farin. l. cit. n. 195. Excipitur crimen Hæresis, in quo ob fidei favorem perjurii potest esse testis, deponendo tam contra se, quam contra complices, quod prius cleaverat, modò ex manifestis indicis pateat, quod perjurii non ex animi levitate, aut odio, sed ex Zelo Justitiae deponat, ut dictum suum corrigat. Farin. n. 203. ¶ 204.

25 Ratio autem Assertionis est; quia qui semel pejeravit, semper suspectus est juxta Reg. 8. in 6. ibi: *semel malus semper presumitur esse malus*; & juxta id, quod dicitur can. non potest 24. cauf. 2. q. 7. ubi Concilij Tole-tani PP. Non potest, inquit, erga homines esse fidelis, qui DEO extiterit infidus. Intelligi autem hic dicta debent, ut procedat de perjuro proprio, non autem de illo, qui juravit temere, aut illicitè, ut bene Fagnan. in c. 18. h.t. n. 5. nam violans Juramentum hujusmodi non fit perjurii.

26 Excommunicati Excommunicatione majori; nam isti in omnibus causis, ijs exceptis, in quibus admittuntur Infames, à testimonio dicendo removentur. Hiltrop. p. 3. tit. 9. c. 2. n. 5. Wesenbec. ff. b. tit. n. 3. Barb. in c. veniens 3. b. tit. n. 9. Zoel. hic n. 16. Haun. tr. 4. cit. n. 257. Pirk. n. 31. König. n. 11. Sanning. c. 2. n. 12. Wiest. n. 8. & constat ex c. veniens cit. & c. decernimus 8. de sent. excomm. in 6. Ratio est, tum quia Excommunicati non habent licentiam communicandi cum aliis; tum quia inter infames reputantur can. illi qui 3. & can. Infames 17. cauf. 6. q. 1.

Discrimen tamen est faciendum inter Excommunicatum toleratum, & non toleratum. Non toleratus à testimonio dicendo repellere debet à Judice, etiam non opponente parte; toleratum repellere à testificando quidem Judex potest, si Excommunicatione sit nota publicè, non tamen debet illum repellere, nisi pars ejusmodi testi exceptionem Excommunicationis opponat. Ratio est; quia pars non excipiens censetur renuntiare Juri suo, & hoc potest, cum potestas repellendi Excommunicatum non vitandum inducatur in favorem partis, contra quam adducitur testimonium Excommunicati tolerati. Quando Excommunicatione non est notoria, ut vim habeat exceptio adversae partis ex hoc capite facta contra testem, excipiens eam intra octo dies apertissimis documentis ostendat, necesse est; quam si ostenderit, testis repelletur: si adhuc dubitetur de Excom-

municatione, prius ad cautelam absolvit debet, quā permittatur testimonium proferre in Judicio; sed bene notat Gloss. fin. hic requiri aliquam causam necessitatis, qualis esset, si alij testes idonei nulli adhuc sint.

An testimonium Excommunicati non tolerati, quod defacto, nemine repellente, depositum in Judicio, validum sit, quidam dubitant: & ratio dubitandi est; quia, ut ex can. infames cit. dixi, infamibus accensentur, quorum testimonia ex dictis n. 16. invalida sunt. Sed retinenda est affirmativa sententia, quam etiam defendunt Ugolin. de Censur. tab. 2. c. 17. §. 1. Suar. de Censur. D. 16. s. 6. n. 5. Pal. tr. 29. D. 2. p. 14. n. 18. P. Wiest. hic n. 8. P. Schmier Proc. Judic. c. 9. n. 17. & alij apud istos. Colligitur ex c. excommunicamus 13. §. credentes de Hæretic. ubi dum specialiter Hæretici redduntur inhabiles ad ferendum testimonium, tacitè insinuantur aliorum Excommunicatorum testimonia valere. Ratio est, quia Excommunicatione tantum privat muneribus, & juribus spiritualibus, inter quæ testimoniis dicendi facultas non numeratur. Ad rationem dubitandi dico Excommunicatos non simpliciter accenseri infamibus, sed tantum aliquo modo ad illos reduci: quod ad invalidandum ipsorum testimonium non sufficit: alias à testimonio dicendo excludi deberent omnes omnino peccatores, cum & ipsi can. illi qui cit. inter infames numerentur.

7. Denique Personæ valde pauperes, 28
¶ viles. Henr. Canis. in c. 2. b. tit. n. 19. Barbos. ibid. à n. 2. Wag. V. vilissimi, Haun. tr. 4. cit. n. 262. Pirk. hic n. 32. Engl. n. 17. König. n. 7. Wiest. n. 10. & habetur can. in primis 7. v. sed ¶ de personis cauf. 2. q. 1. l. tellium 3. princ. ff. b. tit. Ratio est, quia de his potest esse suspicio, quod pecunia facile corrumpantur. Unde si vitæ honestæ, & famæ bona sint, admittuntur; quia haec suspicionem corruptionis tollit, & in omni casu honestas personæ etiam pauperis attendenda est. Clar. S. fin. q. 24. n. 11. Farin. q. 55. cit. n. 82. in fin. Wiest. l. cit.

Alia ratio est de personis vilibus, quæ ex officio vili etiam inter infames reputantur, quales sunt lictores, carnifices &c. nam horum testimonium contra ingenuos non recipitur. Quænam autem personæ viles dicendæ sint, ut à testimonio ferendo repellantur, in hoc, ut bene Haun. l. cit. notat, locorum consuetudo est observanda; nam alicubi lictores habentur pro vilibus, alibi ad testimonium admittuntur.